

NATURÆ operæ ratio est in omnib. universi individuis, ut simplici utatur processu ad unū simplicē motū perficiendū, quæ admodū apparet in Anatomia corporis humani, in quo unus musculus tantum uni inservit motui, nempe attractivo, expansivo verò alter primo oppositus, ita ut, si in gyrū aliquod membrū ducēdū sit, id variis in circulum positis muscularis efficiatur: Ita ignis operatio una & simplex est, ut nimirū calefaciat & igniat, imò sibi assimilet & cōburat omnia, quib. admovetur, si sint cōbustibilia: Hinc Avicēna in lib. de congelatione lapidū, quod cadit, inquit, in salinas, fit sal, & q̄ in ignē, fit ignis, sed quædā citius & quædam tardius, secundūm potentia activarū & resistentiā passivarū: Estq; locus in Arabia, qui colorat omnia corpora in ea existētia, suo colore: Ita singulæ res naturales sibi à natura infusam virtutē possidēt, qua agat in sibi mixta vel admota assimilando & alterādo eorū naturā & formā: Quod in vegetabilib. & animalib generatio est per seminū propagationē, hoc in simplicib. vel simpliciter mixtis corporib. est virtutis infusio & assimilatio: Sol, cœlum, radios de se projicit in terras, qui collectis in concavis vel cōburentib. speculis, demonstrat se à tali causa productos esse, ac quasi formas projectibiles Solis videri: Unde constat radios solares nihil aliud esse, quam flammā igneā extēsam & dispersam in amplā latitudinē, quæ collecta & iterūm in se cōdēsata instrumentis cōcavis, diaphanis & circularib. vel repercussivis, cōcavis & chalybeis speculis, uti flāmma emicat & obvia cōburit: Eundem ad modū in quodā elementato corpore virtus quædā, velut vapor, dispergitur, quæ si colligatur & attrahatur in unū, fit aqua & ex ea aqua terra: Hinc Avicēna ante allegato loco, ex aqua, inquit, fit terra, cū vincūt eā qualitates terræ & ēconverso: Est autē res quædā, quā utūtur quidā ingeniosi cùm volunt rē siccam coagulare, quæ cōponitur ex duab. aquis, & dicitur lac virginis, quod est ejus effectus certissimus. Hæc ille: Sunt, qui promittant, se in magnete lapide vires duplicare vel multiplicare posse, veluti ejusmodi nobis visus est argēto inclusus vix pōdere unius libræ, qui anchorā ferreā 28. librarū attraxit & sustinuit, q̄ impossibile fuisset, nisi vis auctior & fortior reddita

in